

PH cadang kerajaan hadkan pembelian barang keperluan asas

KUALA LUMPUR - Pakatan Harapan (PH) mencadangkan kerajaan menimbang langkah menghadkan pembelian barang keperluan asas di pasar raya bagi menjamin kuantiti mencukupi untuk semua yang memerlukan.

Menurut kenyataan Majlis Setiausaha PH semalam, langkah itu boleh dikuatkuasakan dengan pasar raya mengenakan had pembelian seperti kempen jualan murah bagi sesuatu produk.

Selain itu, kerajaan boleh menguat-

kuasakan had pembelian dengan kuasa Menteri Perdagangan Dalam Negeri dan Hal Ehwal Pengguna di bawah Akta Kawalan Bekalan Makanan 1961.

"Majlis Setiausaha PH mengambil maklum isu barangan keperluan pada waktu Perintah Kawalan Pergerakan dilaksanakan terutama berkaitan pembelian secara panik, pencatutan serta stok barangan keperluan asas di pasar raya.

"PH faham akan kekusaran dan ke-

resahan dalam kalangan rakyat Malaysia ketika ini lebih-lebih lagi dalam suasana pelaksanaan Perintah Kawalan Pergerakan yang baru dimulakan," katanya.

Menurut kenyataan itu, kerajaan tidak boleh berlengah dalam melaksanakan had pembelian barangan keperluan asas demi menjamin keselamatan makanan bagi semua penduduk terutama sepanjang pelaksanaan Perintah Kawalan Pergerakan itu. - *Bernama*

